

25ain o Dachwedd 2020

Annwyl Gyngorydd,

Gwysir chwi i gyfarfod o Gyngor Tref Frenhinol Caernarfon i'w gynnal Nos Fawrth, 1af o Ragfyr 2020 am 6.00 o'r gloch yr hwyr.

Oherwydd Covid-19 bydd y cyfarfod yn cymryd lle o'ch cartref, ar lein drwy ddefnyddio system "Zoom".

Bydd gwahoddiad ffurfiol i'r sustem trwy "Zoom" yn cael ei anfon atoch cyn gynted ag y bo'n ymarferol.

Yn gywir,

**Sion Wyn Evans
Clerc y Dref**

Rhaglen

- 1.Ymddiheuriadau**
- 2.Cyhoeddiadau'r Maer**
- 3.Datgan Buddiant Personol**

4. Eitemau Brys (Cadeirydd/Clerc). Er gwybodaeth neu i'r Clerc weithredu. Ni chaniateir penderfyniadau

5. Cofnodion

I gadarnhau y cofnodion canlynol (yng nghefn y rhaglen):-

- (i) Cyngor Llawn, 3ydd o Dachwedd 2020 (**Atodiad Gwyrdd**).
- (ii) Pwyllgor Adloniant, 10fed o Dachwedd 2020 (**Atodiad Pinc**)
- (iii) Pwyllgor Cyllid, 19eg o Dachwedd 2020 (Atodiad Coch).

6. Cyfrifon

I gymeradwyo y biliau rhoddion a chyflogau i'w talu.

7. Cyfrifon Incwm a gwariant a chysoni cyfrifon

8. Nadolig

Cyflwyno adroddiad llafar y Clerc ar drefniadau'r Nadolig.

9. Adeilad yr Institiwt

Cyflwyno adroddiad y Clerc ar Adeilad yr Institiwt (Copi ynghlwm).

10. Adroddiad Grŵp Gwefan y Cyngor

Cyflwyno adroddiad y Clerc yn rhoi opsiynau ar gyfer gwefan newydd i'r Cyngor (Copi ynghlwm).

11. Arolwg Unllais Cymru – Gweithio o Bell

Cyflwyno Arolwg Unllais Cymru – Gweithio o Bell 2020 (copi ynghlwm).

12. Cae 3G

Mae cynllun ar waith i gael cae 3G llawn faint yn lle y cae ½ maint sydd ar dir Ysgol Syr Hugh Owen. Mae Cyngor Gwynedd yn y broses o gyflwyno ceisiadau grant ar gyfer y cynllun.

Gofynnir i'r Cyngor Tref ysgrifennu llythyr o gefnogaeth ar gyfer hyn. Mae copi o'r Datganiad o Angen ynghlwm.

13. Calendr

Cyflwyno calendr drafft i'r Cyngor hyd at ddiwedd Mai 2021.

Bydd calendr pellach yn cael ei greu ar gyfer y cyfnod Mehefin 2021 – Mai 2022, a bydd hyn yn gyson efo awdurdodau fel Cyngor Gwynedd (mae copi o'r calendr drafft ynghlwm).

14. Rheoliadau Cynllunio Gwlad & Thref Cynllun Datblygu Strategol Cymru 2021 a Rheoliadau i sefydlu Cyd Bwyllgorau Corfforaethol

Cyflwyno e-bost gan Unllais Cymru o ran yr uchod. Oherwydd yr amserlen dynn, cytunodd y Cadeirydd i'r Clerc gysylltu yn ôl i ddatgan fod y Cyngor Tref eisiau bod yn rhan o'r seminar. Mae copi o'r e-bost ynghlwm.

15. Cronfa Nadolig y Maer

Nodi mai'r bwriad oedd cyfrannu at sefydliadau lleol allan o Gronfa'r Maer, yn unol â'r trefniadau arferol, a bod croeso i unrhyw un o'r Cynghorwyr gyfrannu.

16. Clwb Ieuenctid Caernarfon

Cyflwyno adroddiad llafar y Clerc ar y datblygiadau o ran Clwb Ieuenctid Caernarfon.

17. Defibs

Gofyn am farn y Cyngor ar y ddarpariaeth o Defibs yng Nghaernarfon.

18. Ymgynghoriadau

Cyflwyno gwybodaeth am yr ymgynghoriadau canlynol:

- (a) Canllawiau Statudol drafft – Perfformiad a llywodraethiant prif gynghorau (dyddiad cau 3ydd o Chwefror 2021). (Mae copi o'r e-bost perthnasol ynghlwm).
- (b) Nodi bod y Rheoliadau Gwastraff (Cymru)(Diwygiadau Amrywiol) 2020 wedi dod i rym ar y 19eg o Dachwedd.
- (c) Lansio Cyfnod Ymgysylltu Anffurfiol ar Addysg Ôl-16 yn Arfon (dyddiad cau 22ain o Ragfyr 2020). (Mae copi o'r e-bost perthnasol ynghlwm).
- (ch) Diweddariad Llifogydd a TAN 15 (dyddiad cau 8fed o Ionawr 2021). (Mae copi o'r e-bost perthnasol ynghlwm).

19. Partneriaeth Glannau Caernarfon

Gan fod Cyngor Gwynedd yn tynnu'n ôl o gyd-gordio'r grŵp, ystyried fod y Cyngor Tref yn cymryd hyn drosodd.

20. Rhybuddion o Gynnig

Cyflwyno'r Rhybuddion o Gynnig canlynol:

(a) Y Cynghorydd Maria Sarnacki

“Mae'r pafin a'r wal sy'n ei gario ar hyd Aber Foreshore wedi difrodi ers dros flwyddyn bellach, mae'n golygu bod rhaid i bobl gerdded ar y lôn ac mae ceir yn gyrru heibio yn gyflym iawn, dwi'n credu fod hyn yn creu perygl yn ogystal â bod yn hyll.

A fedrith y Clerc ysgrifennu llythyr swyddogol gan y Cyngor yma at Cyngor Gwynedd yn gofyn am drwsio'r pafin a'r wal ar frys ac hefyd yn gofyn iddynt ystyried lleihau'r uchafswm cyflymder ar y stretch yma. Efallai gallwn gynnig mai 40mya fyddai'r cyflymder priodol.”

(b) Y Cynghorydd Jason Parry

“Yr wyf wedi derbyn degau o gwynion am y sefyllfa tân gwyllt Blwyddyn yma! Mae’r sefyllfa yn waeth y flwyddyn hon nag unrhyw amser yn y gorffennol. Mae tân gwyllt wedi parhau o tua Hydref 25 nes 11 Tachwedd!

Dwi’n gwybod na allwn ni fel Cyngor Tref wneud dim byd yn uniongyrchol am y broblem, ond oes posib gofyn i’r Cyngor ysgrifennu at Lywodraeth Cymru i edrych ar greu deddfwriaeth, sydd yn cyfyngu defnydd y tân gwyllt i’r 5ed o Dachwedd yn unig!

Dylid hefyd ofyn i’r Cyngor Tref i ysgrifennu at Sian Gwenllian a Hywel Williams hefyd.”

21. Cwestiynau